# 《释量论略解一成量品》 法称论师造 僧成大师释 法尊法师译编

## 释量论略解 卷第三

## 成量品第二

丁二、显解脱道之成量品 分三:戊一、略释成为量,二、广释其能立,三、释以量称赞之所为。初分 二:已一、释量,二、说成为之所为。初又分二:庚一、能相量,二、所相量。初又分二:辛一、明不 欺智为量,二、显不知义为量。初又分三:壬一、正说,二、断诤,三、不欺决定。今初 量谓无欺智。

上来已说能宣说量论之因是自义比量,今当解说陈那论师云「敬礼成量欲利生,大师善逝救护者」 之义。或问:若说世尊为正量者,量之总相云何?何故世尊是量?曰:量之总相谓新生无欺智。如说见青根识是量,以是新生无欺智故。

壬二、断诤 分三: 癸一、断不遍过,二、断太宽过,三、说智之所为,癸一、断不遍过 安住能作义,不欺。声亦尔,显示所欲故。 说者能作境,何义觉明显,于彼声是量。义性非有因。

问:若不欺智是量相者,则不遍比量,以比量不以自相为所取境故。曰:如通达具烟山上有火之比 量,是不欺诳,以是通达安住能烧煮作用之觉故。问:若不欺智为量相者,不应道理,以不能遍声起量故。曰:声所起量亦是不欺,以显示所欲趣境故。此之理由,如说瓶之声,是说者自身中能作之境,即是瓶义,使其行相于觉中明显,对彼是量。(即说瓶时,说者心中瓶相明显,于彼瓶相,瓶声无误,即不欺义。)以是成立彼之三相故。然说瓶之声,非成立某处有瓶义体性之果法正因,以非瓶义之有因 (有因即果) 故。

## 癸二、断太宽过

缘于已取故,不许彼世俗。

问: 若不欺智是量相者,则决智亦应是量。曰:世俗觉之决智,不许为新生不欺智,以是缘自亲因 前量已取境之念觉故。

癸三、说智之所为

觉是正量性,所取所舍事,转趣彼主故。由有境各异,

觉证各异故。彼有此有故。

问:诸有色根,岂非是量?何故说不欺智是量耶?曰:新生不欺之觉乃是量性,以于所取舍事随转 还中,新生不欺智是主要故。要有彼义相显现方有此对彼义之通达故。由有境相之觉各异,方安立此觉 通达彼义各异故。

## 壬三、不欺决定

由自证自体,由名言是量,论是遮愚蒙。

问:若不欺智是量相者,为由自决定为不欺,抑由他决定为不欺耶?曰:如缘青之根现量,非唯由 自或唯由他决定不欺,谓由自证现量证知自体,由后起之名言量证知于青,是正量故。问:若由自或 他,能决定为不欺,由宣说量相之论应成无用?曰:宣说量相之论亦有所为,是为遮遣对量相之愚蒙

辛二、显不知义为量

显不知义尔。证知自体后,总相识应得,意谓于自相,

不知所知故,观察自相故。

问:唯不欺智,量相即圆满耶?曰:不尔。能显以前不知之义,亦是量相之一分故。问:证知青色 自体之后,缘青色总之识,于青色应亦得是量,以是新知青色总故。曰:彼不决定,以于青色是量,意谓须是先不知青色自相所有,新了知故。若于青色是量,是于青色自相观察转故。缘总之识非观自相 故。

# 庚二、所相量

#### 世尊具是量。

佛世尊是量,以于所化之增上生决定胜,无所欺诳,及新了知四谛真理,具彼二德故。以佛具彼新 生不欺智故。是为定量。

巳二、说成为之所为 分二:庚一、正说,二、断诤。今初

为遮无生者,论说成为故。待立量应理。

问:若尔说量已足,何故说成为耶?曰:论说成量,有所为义,为遮无生自然量故,及为令了知诸佛世尊,观待圆满能立,成为定量士夫,应正理故。「无生」有二解:一谓外道妄计大自在等,是无生 自然之量。二谓若未生起一切种智,亦非是量。「圆满能立」: 即意乐圆满—欲利众生之大悲心与菩提 心,及加行圆满一广修无我慧等二种资粮。由此圆满而成正觉,是为定量。

庚二、断诤 分二:辛一、于遮断诤,二、于表断诤。初又分二:壬一、破自然是量,二、破有自然之 能立。今初

量非有常性,达有事量故。由所知无常,彼不坚性故。

有依次生者,常生非理故。不可观待故,非谁饶益故。无常亦非量。

问:为遮无生不应道理,以自在是常住自然量故。曰:量非有常性,以通达有事之觉是量故。由所 知境是无常性,则能知量亦是不坚性故。若谓自在之智虽是无常,但自在是常。曰:自在之前后诸智, 从常法生不应道理,有依次生故。以常法非任何助缘能饶益故。常法不可观待缘故。若谓有无常自然量者,曰:应无无常自然量,无彼能立量故。

壬二、破自然之能立 分二: 癸一、叙计,二、破执。今初

住行、形差别,及能作义等。 外曰:世间之处身受用,皆由士大夫觉心为先而作,以住行故,如小斧。具足形状差别故,如宫殿。是能作义等故,如斧钺。复除自在外,余不能作,故成立为自在所作。

癸二、破执 分三:子一、破所立,二、破能立,三:破自在为一切因。今初:

极成或无喻,复是疑惑性。

若说世间之处身受用是士夫作者,为总成立,以士夫觉慧为先,抑成立常士夫所作?若如初者,对佛弟子,以觉为先,不须成立,以佛弟子许觉为先,已极成故。若如次者,应不能成常士夫所作,以成彼宗无同喻故。又能作义,亦非成立世间处身等以士夫觉慧为先所作之正因,以于成立彼宗之遍相,是 疑惑性故。

子二、破能立 分三: 丑一、正破,二、由此亦遮余理,三、彼所成义。初又分二: 寅一、形义不能为 因,二、形声不能为因。今初

随有无加持,形等如欲成,由彼所比度,彼是正理性。 异事所成就,声同无异故,比度则非理,如灰物比火。 非尔,则陶师,制作陶瓶等,作泥团形故,蚁垤亦彼作。 所立随行故,果总亦能立,系属各异故,说异过果同。 若以形为成立彼宗之因者,为以形差别为因,抑仅以形为因?若如初者,则随加持者有无,其形如欲就,由彼比度宫殿之形是由士夫所作者,此应正理。以是成立彼宗之三相故。若由彼成立山峰形状思思之, 是士夫所作,则非正因,以成立彼宗之宗法不成故。若如次者,则由从种类异事成就之形,与名为形之声同转,仅以是形无所异故,以此为因,比度山形是士夫所作,则不应理,成立彼宗之遍相不定故。譬 如由灰色物比度有火。若非遍相不定者,则应成立蚁垤亦是陶师所作,以与陶师制作瓶等及泥团形状有 相同故。若谓今以形为因,汝观形之差别而破,是果同之似破。(果同是一种似能破之名。原是胜论对正理派立「螺声是果,勤勇所发故,如瓶」。正理派破云:「为是先有,勤勇所显,抑是先无,勤勇新 生耶? 若勤勇所显,则因不定。若是新生,则因不成。」 胜论说「彼是果同似能破」,即以彼之破他 方式,对彼自己之因,亦同样能破。因为前量式是观察果,故名果同。又解:由彼似能破,为他人所出之过,彼自亦同犯其过,结果相同,故名果同。)曰:以总果所作性,是成立声无常之正因,以是成立彼宗之宗法,所立法之顺遍决定故。对此正因,若谓声之所作,于瓶不成;瓶之所作,于声不成。故所作性非成立声无常之正因。如是由有系属之声瓶各异,观察别异出过而破,许此似破为果同似能破,以是于能成所立之总因,观察差别而破之似能破故。今说特殊形为因,则不成;仅以形为因,则不定。故是于能成所立之之因,观察差别而破之似能破故。今说特殊形为因,则不成;仅以形为因,则不定。故是是是 形非成立彼宗之正因。如是破之能破,非果同之似能破,以非对于以能成所立之总因,观其差别而破之 似能破故。

寅二、形声不能为因 种类别所成,由见声之总,成立,非正理,如说语言等, 牛故是有角。依他说欲故,诸声皆非无,有彼故义成,

若由见具形种类之差别所成就,与名为形之声总共同转,便成立山形为士夫所作,不应道理。以成立彼宗之遍相错乱故。如说「语言等是有角,以牛声转故」。若因不成者,应一切士夫不用劬劳便能成办一切义利,以有彼声便能成办有彼义故。此因决定,以诸声于任何处无不可转故。以诸声是依他乐说 欲而转故。

丑二、由此亦遮余理

以此而观察,劫毗罗等派,由无常等故,亦说无心等,及剥皮死故,而说具足心。

此以所说观察形非正因之理而观察也。何所观察?谓观察劫毗罗派等尼犍子派,前者说乐觉无心等 物质,以是无常及等是有生故。及尼犍子派说树具足心,以剥皮即死故。如何观察?谓剥皮即死,非 成立树具足心之正因,以于树上按立量法,因不成故。数论派以无常及有生,亦非成立乐觉无心之物之 正因,是不定因故。

丑三、彼所成义

丑三、彼所成义 若事体不成,此理若成就,别不成无害。如声依虚空。 声虽不成立,事成即成立,如佛对鸺鹠,说身等能立。 若彼性误等,声虽不错误,知能立有过,由事成事故。 行故有手故,立有角及象,此声之所诠,世许,非欲说。 所举之因,有因之体性与差别二事,其中以体性为主。若因事体性于有法上不成,即犯宗法不成 过,此理应理。若因体性于有法上按立量式成就者,即量之差别不成,亦不妨害宗法成立故。譬不成 上,依虚空之所作性虽不成就,然于所作性是成立声无常之宗法,都无妨害。问:若尔,因之声不成立,而义成立,彼将如何?曰:于有法上,因之声虽不成立,若因之事成立者,亦能成立的所立。对胜论者子对鸺鹠派,立四大种微尘无常,说有身、有碍等为能立。「有身」即「有所触」之义。对胜论者说 子对鸺鹠派,立四大种微尘上虽不成立,但「有所触」对胜论者,则是四大种微尘无常之正因,启 对彼,成立彼宗之三相故。相反,若彼因之义性错误等,等取不成及相违。声虽不错误,当知亦是之 对彼,成立彼宗之三相故。相反,若彼因之义性错误等,等取不成及相违。声虽不错误,当知亦是之 失之能立。要由果及所遍事,成立因及能遍事故(以果证因是因果系,以所遍证能遍,是同体系)之 是不错误,而义错误之譬喻,如说「花牛是有角,能行故」,及说「象儿是象,是具手故」。此说牛名 能行,及说象名具手之声,于所诠牛象之名,并不错误,以是世间共许立彼名故。然所欲说之能行及具 手,于牛象非无错误,彼是人故。

子三、破自在为一切因

如彼事是因,即何时非因,由何计彼因,而不许非因? 由械药等系,黑者伤及愈,无系属株杌,何不计为因? 自性无差别,亦不可能作,常则无遮故,功能亦难知。 有何成何性,计余为彼因,则于一切果,诸因应无穷。 能生苗地等,性转变是因,若彼善修治,见彼差别故。 若如根境合,无别,是觉因,此如是。非尔,彼亦有别故。 者别别无能,若性无差别,合亦应无能,故成有差别。 格别别无能,若性无差别,合亦应无能,故成有差别。

辛二、于表断诤 分二: 壬一、诤, 二、答。今初

量知不现义,无彼能立故,殷重修非有,有作如是说。

顺世派有作如是说:说佛世尊是定量士夫不应道理,若是定量士夫,须知一切不现见义,以无彼能 立故,于彼方便殷重修行亦非有故。

壬二、答 分三:癸一、寻求遍智之原因,二、寻求之理,三、明遍智。今初 **于不知而说,诸恐错误者,为修彼说故,寻求具知者**。 对于实不了知寂灭苦之方便而妄宣说者,恐误以为真正大师之求解脱者,寻求有真知灭苦方便者之 原因,为于彼大师所说方便殷重修行故。

癸二、寻求之理

故应善观察,办彼所修智,此能知虫数,于我无所需。

求解脱者,当观察此师有无了知灭苦方便之智,成办求解脱者所修之事。非是观察此师能否知虫数 量,以知虫数量,于我求解脱者无所需故。

癸三、明遍智

了知取舍性,及其诸方便,许彼为定量,非了知一切。 随能见远否,要见所欲性,若见远是量,当来依鹫鸟。 随能见远否,

许佛世尊是定量士夫,以于所取所舍性及其方便,了知究竟故。又佛世尊非以了知一切虫数为定量 士夫,以求解脱者无所需故。又佛世尊是定量士夫,随能否见远皆可,以见所欲求性到究竟故。若谓以能见远为定量士夫者,则应教云:求解脱者当来依止鹫鸟为师,以彼能见远故。

戊二、广释能立 分二: 巳一、顺成立量,二、逆成立量。初又分二: 庚一、因圆满,二、果圆满。初 又分二:辛一、意乐圆满,二、加行圆满。初又分二:壬一、正说,二、释难。今初

诸佛世尊是定量士夫,其能立是由修习大悲心而生故。其大悲心非从无因及邪因生,是由多生修习 悲愍而生故。

壬二、释难 分二: 癸一、释无多生修难,二、释修亦无无边增长难。初又分二:子一、难,二、释。 今初

**觉依于身故,由修无所成。** 顺世派云:由前后生修习悲无所成就,以无前后生故。以身坏时心亦坏故。以觉意依于身故。

子二、释 分二: 丑一、略标,二、广释。今初 非尔、破依故。

彼身非是觉意之殊胜所依,以正理破身为觉意之殊胜所依故。

丑二、广释 分二: 寅一、明有前后生,二、破无之能立。今初最初受生时,呼吸、根、觉等,非不待自类,唯从于身生,太过故。现见,具有结续能,彼为有何事?又由无何事,于后无结续?何处不产生,湿生等众生?全无彼地等。故一切种性,故根等不待,自类是大种,如一转变时,皆变无别故。诸根一一损,意觉非有损,此变则现见,彼等对其类。 故是根从觉。有如彼能引,后亦当如彼。由彼识益故,说意依于身。若无根非觉,彼亦非彼无。如是互为因,故互是有因。从无次第者,非生有次第,非别亦无待。 从身次生觉。彼亦显次第。其前前刹那,是一一刹那,

寅二、破无之能立 分三: 卯一、标、二、释, 三、结。今初

后心与余心,结续有何违? 彼罗汉后心,由何许无续? 岂随此宗派,量不能义耶?若谓离彼因,此中何不说?

外曰: 平常人之死心,不与后心相结续,是死心故,如阿罗汉之死心。曰: 最后死心,非是成立平 常人死心,不与后心结续之正因,以汝与余心相结续,无任何相违故。试问:彼阿罗汉死心,亦由何因不与后心相结续?若谓佛教中如是说故者,曰:佛教宗义,汝岂随行耶?不应随行,以是量不成义故。若谓阿罗汉死心,不与后心相结续,以彼因气息已离身故。即彼因息离身,于此成立平常人死心不与后 心相续之因中,何为不说? 理应宣说。以汝与死心随一,是成立彼宗之正因,而死心非成立彼宗之因

卯二、释 分三:辰一、破是增上缘,二、破是亲因缘,三、断诤。今初

如彼觉取故,意非从有根。生识能异故,亦非从一切。 无心故非余。一因故共住,如根如色味。由义门转变。 常随彼转故,由有能饶益,彼因故第七,及说言生故。 有时于心续,亦容能饶益,如瓶等火等,唯尔非必遮。

有时于心续,亦容能饶益,如瓶等火等,唯尔非必遮。 若谓身是意觉之殊胜所依者,为是增上缘,抑是亲因缘耶?若是增上缘者,意义分别非从有根身为增上缘而生,以若是者,应如彼根觉明显取境,有此过故(分别意识缘色等境,不如根识明了)。亦非由一切根和合发生意识,以诸根发生根识之功能各异故。亦非余发爪等为增上缘发生意识,是无心故。问:若尔,身心共住应成相违?曰:身心可以共住,从一聚因生故,比如五根,如色与味。若谓身是意觉所依,以见由身转变,意觉转变故。曰:外义(即外境)应是意觉之所依,是由义门见意觉转变故。有由饮酒使意识醉乱,有因服毒使意识昏迷。皆由外义使然,非由根力所致。故不能证明身是意觉之殊胜所依。问:若尔,如何是使果随遮之殊胜所依因耶?曰:如灯是灯光之殊胜因,要先有灯方有灯光,灯对灯光作直接饶益故。要常随彼灯有无转故。经说「此有故彼有」,说第七转依声。又说「此生故彼生」,说第五转从声。即为令了知,若是彼果之殊胜遮因,须是彼果前无间所生,能直接饶益者故。(这三句颂文,即释经义。「由有」即「由此因有故」,对彼果「能饶益」,即是彼果之因。用第七转声表为所依,是增上缘。经又言「此生故」,说的第五转从声,表能生之亲因缘。用何转声,是梵文文法,在汉文中难以表明。)此说明殊胜所依因,要常随转,如灯光依灯。身与意识不具此种关系,故非真能依所依。彼身有时于心相续,亦容作饶益。然唯尔许,非是身灭心必随遮之殊胜因,以无色界仍有心故。譬如火等对于瓶等暂时饶益。非必随遮之因。

辰二、破是亲因缘 分二: 巳一、观身为亲因缘之理而破,二、观身体性而破。初又分二: 午一、是亲因之违害,二、非亲因之能立。初又分二: 未一、观前后破,二、观同时破。初又分三: 申一、出过,二、破救,三、明亲因相。今初 于身安住时,心应无遮灭。

若谓身是心之亲因者,已死之身,心应无遮灭。以亲因之身仍安住故。

申二、破救分二: 酉一、破顺缘不备救,二、破违缘破坏救。今初由彼有乃有,彼自在转故,彼呼吸,非彼。若无勤功力,由何风呼吸? 由彼等盛衰,应得为盛衰。彼等过亦同。 心因则不同。余安住能引,亦许是因故。

若谓虽有亲因之身,然无息缘,故无心不遮之过者。曰:是从彼意觉,生出入息,非彼息是意觉之殊胜所依,由有意觉之力,彼出入息乃有,及由彼意自在之力,息乃强弱转故。彼风息之呼吸,若无意之勤加功力,由何而起?不能起故。又应由彼息等之盛衰,而意得为盛衰,以计彼息是意之亲因故。又彼息等亦应于已死身有不遮灭之过失相同,以亲因身仍安住故。若谓汝自亦犯「于已死身心应不遮灭」之过,以前心是后心之亲因故。曰:若许前心为后心亲因者,则无同犯于已死身心不遮灭之过失,以许余能引业亦是身心共住之因故。

#### 酉二、破逆缘破坏救

若如株杌等,过违,身非因。由死过退时,则应能复活。若如火虽灭,薪变不复还,彼亦不退转。不然,有医故。有令生变化,有不复生者,有可还转故,如火于薪金。初虽小不退,所作可还者,彼当能复生,如金坚硬性。说非少可医,能治难得故,或寿已尽故,若仅是病患,则无不可医。死毒等遮故,彼咬亦可截,由离变坏因,彼何不复活?

若谓如咒加持之株杌等,则非火因,如是已死之身亦非心之因,以由风胆等过患违逆心安住故。曰:死时之身,心应能复活,亲因之身仍安住,而过患已退故。若谓如火虽灭,然由火造成薪之转变则不退远。如是病患虽退,而病之转变亦不退转。曰:由病所作变化,非不可遮,医病加行有作用故。所有变化非都不可转,有能变化,使所生变化不能复生,有能变化,所生变化能还转故。如火于薪及金。初种变化虽小亦不可退,从自因生为不可退故,如薪化灰。其可退变化则能复生,从自因生为可退事故,如金坚性。问:若病之变化可退,与经说「不可治病」应成相违?曰:此不相违。意说非少功力所能医治,以能医治之医药皆难得故。或病者之寿已尽故。若不待顺缘不具,仅由病患为死因者,则无不可治之病,以无余逆缘而顺缘具备,则定能医故。又毒死之身,心何不复活?理应复活。以亲因之身仍住,逆缘致死之毒等,可用咒等遮故。或被毒蛇咬伤,亦可截去伤处,令离病患变坏之因故。

# 申三、明亲因相

亲因无变异,则诸有因者,不能使变异,如泥无变者则瓶等无异。若事无变异,彼事有变异,此彼因非理,如牛青牛等。心与身亦尔。彼从俱有因,生果则共住,

## 如火与熔铜。

如亲因无所变异,则亦不能使有亲因之果有所变异,如泥团无变异,则瓶等亦不异。若此事无所变异,而彼事有变异者,则此事应非彼事之亲因。如黄牛与青牛等。如是身应非心之亲因,以身未变时,心有变故。问:若尔,身心共住相违?曰:果心可与身共住,以由身之亲因作俱有因而生故。如火与熔

未二、观同时破 分三: 申一、破同时所依之理, 二、由此亦破余理, 三、结义。今初

有无无依故,非尔。有住因。是依,此无依,离住无余故。是余即彼因,彼于事何为?应成无所坏。若计由坏因,彼亦同上过。住因复何为?若谓遇坏因,之间彼使住。坏是事法性,有此无害故,住因何所为?若谓如水等。所依,此亦同。诸事刹那坏,是彼事相续,如是生因故,是为我依

无行者德、总、业等何用依?

外曰:彼身是意觉之同时所依。曰:彼身非意觉同时余义之所依,以意觉有事、无事,皆无余义之所依故。若谓其因不成,以于已有事有能住因,即余义所依者。曰:此意觉已成之后无别安住之所依,以离意觉安住者外,无余能住者故。意觉之住与意觉是一物故。外曰:此因不成,是由余物使安住者。曰:彼身对于已成事之意觉,有何安住之作为?全无作用。其能使意觉安住之余物,即彼意觉之因故。若有余物能使意觉安住者,意觉应成为无所坏灭,以为已成后,第二次别形的能住故。若许是是由作为及 使坏灭者, 曰: 意觉亦非由坏因使坏,以彼由坏因使坏,亦同犯上说诸过失故。又彼住因复何所作为? 应完全不能住,以由坏因使坏灭故。若谓住因之身亦有作用,乃至意觉未遇坏因时,能使住者。曰: 若尔,住因何所作为? 应成无用。坏灭是有事之法性,有此法性无违害故。若谓如瓶是水等之所说,如是 身亦是心之所依。曰:瓶应非瓶内水之同时所依。如是所计,此中亦同犯上文「有无无依故」时所说之 过故。问:若尔,云何世间共说瓶为其中水之所依耶?曰:说瓶是其中水所依者,以瓶中水事刹那坏 灭,其瓶中水后念相续,如前念水事所在处所相同,瓶是彼处所之生因,即彼水后念相续之助缘,故说 为瓶水之所依。若非如是饶益,说有余义所依,不应道理。于无常事容有余义所依,若于常事,则不应理。瓶是其中水等之所依,以能碍其流失故。外道所计之德、总、业等,何用余义之所依?以前后刹那 行动故。是常法故。

#### 申二、由此亦破余理

由此于和合,及有和合因,种类等住性,无依故皆遣。

由此所说「有无无依故」破使已成法安住同时所依之道理,对于外计「德于实和合,实是有和合之 因,种类住别法,等字摄大种所造、住于大种,心住于大种,法性住于有法等」,亦皆遣除。已说无同 时余义所依故。

若事由余坏,彼住因何为? 彼无余而坏,诸住因无能。 有依皆具住,有生皆有依,故一切有事,有时应不坏。 若是自坏性,彼余何能住? 若非自坏性,何用余能住?

彼身住因,于意觉何所作为? 应全无用,以若计由余坏因使意觉坏故。若谓因不成,无余坏因彼法 自坏者,是则诸安住因亦应无能,彼法自坏故。又一切有事应有时不坏,以有生故。已许遍相,以计 「有依皆具住,有生皆有依」故。又彼意觉,应无余能住,若自坏是本性故。若谓因不成者,则彼意觉 何用余能住?全无所用。以汝非自坏为体性故。即自能住,何用住因?

午二、非亲因之能立 分三: 未一、正说,二、破身心一体,三、明生死因。今初

身无所增灭,由觉用差别,慧等能增灭。灯光等诸依, 别允所谓人,由见用左别,思寻能谓人。为允寻相似,则非有此事。由彼此能胜,非不益于心。有时贪欲等,以壮等增长,是从苦乐生。彼从调适等,内义近而生。由此说合等,使退失念等。由内义差别,生觉使变故。 如有续差别,由闻猛虎性,及见流血等,便发昏迷等。故定由何性,作用,随转心,彼无则不生,故是依于心。

慧及贪等,彼身非是汝之亲因,以不待彼身之增灭,由意觉之作用差别,慧等便能增灭故。此因决 意及贪等,彼身非是汝之亲因,以不待彼身之增火,田意觉之作用差别,慧等便能增火故。此因决定,此随觉增灭之理,其灯光等诸依物为因者,则非有此事故。若谓由餐精华使身健壮,现见亦能增长慧故,其本因不成者。曰:虽由餐精华使身健壮,由彼此慧亦能增胜。然彼身非慧之亲因,非身于根心无所饶益而慧能生故。若谓现见由身壮而生贪,由衰弱而生瞋,故本因不成者。曰:有时由身盛衰等,增长意识眷属之贪瞋等,然彼身非贪等之亲因,以是从根识眷属之苦乐而生故。又彼根识眷属之苦乐,亦非以彼身为亲因,彼复是从诸界调适不调适等身内触义相近而生故。由上所说此理,亦说由合杂病等令退失念等,亦非以身为亲因,是由内触义接近之差别所生根觉,使生彼变异故。譬如有人由心续怯弱等差别,但闻说猛虎性之声,及见流血等事,便使心意发生昏迷等。又后念心是依前念心,以若无彼为亲因,则此不生故。非依身为亲因,以决定由前心任何性惯习作用而随转故。 未二、破身心一体

如依止于心,听闻等诸行,于心时明显,如是无异故,

身应显功德。

若谓虽已成立后念心依前念心,然于身为亲因都无妨害,以身心是一体故。曰:如依止于前心听闻等诸行功德,能于心中有时明显,如是依身,彼等功德亦应明显。身心无异故。然实不尔。故身非亲因。

未三、明生死因

市具足我爱,非他有情引,欲得乐舍苦,受生鄙劣处。 于苦颠倒觉,爱缚为生因,若谁无彼因,彼即不复生。 若不见去来,根不明不见。如因目不明,不见轻微烟。 虽有身细故,或有无质碍,如水,如黑家,不见故非无。

问:若身非心之亲因,何为生死因耶?曰:诸凡夫辈由具足我爱,非被他有情引诱,自心欲得安乐,欲舍痛苦,故受生鄙劣处。以显倒执苦为乐之觉,及以爱缚,是凡夫受生生死之因故。若谁无彼邪爱之因,彼即不复生死故。若谓无有余生往来,以不见故。曰:汝顺世派不见中有,不能成立为无,以汝观中有之眼目不明故。譬如因目不明不见轻微之烟。若谓中有之身应有质碍,是有身故。曰:中有之身虽难是有身,或有,是无质碍,以是微细净妙之有身故。譬如水于新陶器,如水银于金。又顺世以汝不见中有故,非定为无,汝虽不见彼,亦容有故。

已二、观身本性而破 分二:午一、观一身为亲因而破,二、观多身为亲因而破。初又分三:未一、正破,二、断诤,三、破依实之余法。今初 手等摇动时,一切应动故,相违之业用,于一不可故。 余则应成异。一覆一切覆,或不覆应见。一染变应变, 或不变应知。故一聚非有。

若谓身是心之亲因者,为是粗身无分一耶?抑是众多支分?若是无分一者,士夫手等摇动时,应一切支分皆动,以粗身是无分一故。此因决定。以动不动相违之业用,于无分一身不可共处故。若余者谓非一动一切动,则士夫之身应成异分,以一分动时余分不动故。又如士夫覆一面时,应一切支皆覆。或余支不覆,面部亦应不覆可见。以粗身是无分一故。又如士夫若一面部颜色染变,应一切支分皆被染变。或余支分不变,面部亦应不变。可知本色。以粗身是无分一故。士夫之身,非有无分唯一之聚,以具动不动、覆与不覆、变与不变等多种相违法故。

未二、断诤

若多则如前,无别故微故,应不能了知。无差别不成,有别是根境,故非是微尘。由此亦遣除,谓无能障等。水银与金杂,热石如何见?根等别无能,如何而了知?由具,此过同。若谓金与汞,由具能见者,所依无可见,由何能了知,味色等具违?若许由假立,是则觉应异。如何名长鬘?

若谓瓶色应是众多尘性,以是外义,非粗无分故。若许尔者,即彼瓶色,应如前一一微尘非根识所能了知,以与一一微尘无差别故,及是极微尘故。曰:彼瓶诸色,与一一微尘全无差别,应不成立。以是能生根识有差别之尘故。又瓶诸色,应非微尘,是能引根识定解之境故。由此上述道理,亦能遣除外谓瓶色应无能障等难。又水银与金等合杂,或热石等,根识如何可见?应不能见,以无无分一体之有支物故。三缘和合,如何了知能生根识?应不了知,以与根等别别无能时无差别故。诸因皆已许。若谓由和合而生具(或译成就),由具而生根识者,曰:应不能生具,此生具中过亦相同故。若谓金与水银,由有具故,根识能见者,曰:根识由何能了知微尘之具?应不能知,以所依微尘无可见故。如奶茶饮料,具色味等应成相违,以是功德故。不应许尔,以与世说此饮品色好美之言说相违故。若谓味色立声许由假立而转者,曰:奶茶与乳二者有无实味,应于觉现其各异,以奶茶与乳二者,无实味各异故、作出假立而转者,曰:奶茶味是假)。或解:若谓彼饮料之色味是假立者,则应缘彼饮料中不共之色味等,生起能见各别无杂之异觉,而不起缘共同和杂色味之觉。以说是于不共之支分色味,假立色好味美之和合色味故。又如百花穿成之长鬘,如何可名长鬘?应不名长鬘,以离此花鬘外,无余义之长鬘故。(以上皆就敌者计要有「有支」,方许「支分」,计离「支分」外,别有「有支」而破。)

未三、破依实之余法 分二: 申一、以不可得破,二、断诤。今初 **异具彼自体,及诸言说外,具数、业等体,于觉无所现**。 异于具足数量瓶之自体及说瓶之声,别无所谓具数与业等自体,以彼于不错乱觉不显现故**。** 

申二、断诤 分二: 酉一、无声与分别不异转之过失,二、无不可作第六声之过失。今初

声智是缘于,随异事而行,分别假立义,喻如功德等。 已灭及未生,若许此是假,由何因许彼?彼于一切事, 何不许彼因?若谓非皆假,异差别为主。由何?若无异, 异则应无义。非因有余义,白等具数等,其声非异门。 若彼亦余义,德实应无别。虽非有余义,由遮分为异。 如业非实声。

若谓具数之瓶体及说瓶之声,应离瓶之数等别有异体,以于觉前与彼数现为异故。曰:其量度瓶与 右頃兵级之瓶体及识规之声,应离规之数等别有异体,以于见前与依数现为异战。曰:兵重度瓶与数等之声与分别智,其所见境非有实事,彼是以随异事行之分别所假立义为所缘故。此即是说:声与智虽见瓶与瓶之数各异,然彼非见实事,只缘分别假立义为境,故不能证明瓶与瓶之数有异体也。喻如功德青等,虽无第二功德可依,然现见有一青等名言。又如瓶已灭及未生等,虽无异体之功德,然现有一二等名言。若谓过去已灭及未来未生等,许此中数等是假名者。曰:由何因缘许于过去等、数等之声是为假名?试问:何不许彼于一切事数等之声是假名转之因缘耶?若谓非一切事皆是假名,以有异体为能别法者,主要是实名故。曰:试问彼是实名由何决定?若谓若无异体则异声无义,声成异门故。曰:所诠虽无异体,然声不须成异门(异门即同一事之异门)。虽非因是余义而说异声,然如白等、具彼数等之声,非异门故(白等色是德,数等亦是德,应不能同于一实)。若谓彼白等复有余义德者,则德与实应无差别。虽无异实,而异声转亦不相违,虽非有实义,然由遮而分为异声转故,如说业非实之声。

酉二、无不可作第六声之过失

四二、元不可作界六戸之以失由诸说事声,具足彼数等,如异而说者,是简别余法。唯欲知彼许,余皆无所引,有说指之具,如异法而说。虽只说一义,为引一切故,而言指具足,许是说有法。作如是言说。舍色等能别,遮非共果因,而作瓶声转。作为言,作为会等。即是然意思,是是然意思。

被总作为支,言瓶之色等,显彼能差别。此于余应说。 外曰:瓶与数应是异体,以第六声说为异故。曰:诸说有事法之声,如与具彼数相异而说者,为显彼数简别瓶之余法故。有时言「指之具」,似说指与具是相异之法,是唯欲令知「指之具」彼许事,不引指上之余一切别法故。有时言「指具足」之声,共许是说有法,虽只说指之一别法,然由能引指上一切别法,而令了知「指具足故」。彼二种声虽同说一义,然作说「法」与说「有法」之各异言说,是由 舍不舍余别法之门而了知一义故。外曰: 若瓶与色无异体者, 应成同依(同依即二名同说一事), 只可言 告不告宗刑法之门而了知一义战。外曰:若瓶与巴无异体者,应战问依(问依即二名问说一事),只可言「瓶色」,不可言「瓶之色」者。曰:言「瓶」之声,非显离「支分」外有余「有支」,以遮非瓶八微共果能盛水之因,于彼八微聚说瓶之声,是彼实名故。言「瓶之色」之声,非诠瓶与瓶之色是同一所依之声,以言瓶之声,舍其瓶之色香等能生缘自识之不共功能差别为所诠事故。以是言瓶之声,观待瓶之色等,则是诠聚之声;观待金瓶等,则是诠类之声。言瓶之声不诠色等八微,而诠金瓶等别法。此即言种类与言聚之差别。问:若瓶与色无异体者,则言瓶之色应全无义。曰:以彼瓶总聚作为彼瓶之支分,言「瓶之色」者,是显彼瓶能生眼识之功能差别故。由此于余亦应宣说。如何说者?如云「栴檀之香」之声,是为栴檀之香,有别于柏木之香故。

午二、观多身为亲因破 分二: 未一、诸支聚为因非理,二、一一支为因非理。今初: 无余是因者,离一支亦非。

若众多支是意觉之因者,为无余一切支是因?抑一一支是因?若如初者,则随离一支,意觉亦应不 生,要须无余一切为因故。

未二、一一支是因非理 分三: 申一、出过,二、破救,三、解同。今初:

各是功能性,应顿生众多。

若如第二,一一支皆是因者,应众多意觉同时顿生,以一一支皆是能生性故。

多性相同故,呼吸非能定。一亦应显多,彼因常住故。 若非众多因,非渐,无别故。即于一息顷,亦缘多义故, 非由彼决定。若一觉知多,彼即成顿知,无所相违故。 渐亦应不知,无有差别故。若计非自类,时息多刹那, 是如是心因。无具次第因,彼如何具次?前自类为因, 最初应不生,如是因非有。生息异境故,有亦定成多, 故觉应顿生。虽多,一时者,是一心之因。息动微弱等,缺一应不生。倘随有是因,识亦应有别。若此从彼异,不异,非彼果。

不异,非做果。 若谓彼息能显意觉唯一一生,故无过者。曰:诸出入息非能决定唯显一一意觉,多性相同故。若谓此因不成,是常一性者,曰:诸出入息,亦应同时顿显众多意觉,以彼因常相近故。若谓非同时多意觉因者,曰:诸出入息,亦应非渐次生多意觉,既不顿生,前后无差别故。又彼诸息应非决定唯生一一意觉,于一息顷亦缘众多义故。若谓此因不定,以一觉能知多义故。曰:是则彼意觉应顿知多义,以如是知无相违故。又彼意觉,应亦不能渐知多义,以既不能顿知,前后无差别故。若计从身所生,非从自类前念生,有时次第之息多刹那前后生起,是如是次第生起一一心之亲因(即计前后诸息,次第各生一心)。故众多意觉不同时顿生。曰:彼等诸息如何能前后次第生?不应道理,以无能次第生之因故。以从常住身为生因故。若谓此因不成,是从前念自同类因生者。曰:若尔,胎中最初息应不得生,以于尔时彼因如是同类前念非有故。若言不成,则无前生应成相违。又初生无间之出入息,纵有同类前念,亦

应决定是多分,以遍众多别异境故。若许尔者,众多意觉应顿时生,以彼亲因身是常住,助缘从多息之 功能未退失故。若谓其因不定,息虽众多,同一是者亦是一心之因,非多心因。曰:若尔,息动微弱等时,如缺一强烈息转,意觉亦应不生,要彼一切完聚方是意觉之因故。倘谓此因不成,随有强弱何息,皆是意觉之因。曰:是则由息之力,意识亦应有明不明之差别,以随有强弱何息,即是意觉之亲因故。此因决定,若此果法从彼增减异因,而不随异者,此即非彼之亲果故。

识功能定故,一唯是一因。由贪着余义,识则无功能,不缘他义故。若谓先从身,顿生起诸觉,后由自类定。 其身之功能,何故而遮止? 若谓多觉顿生之过,汝亦同犯。曰:此不相同。前一觉唯是后一觉之因,前一一识生后一一识之功能决定故。如识由贪着余色义,则无缘他声义之功能,而不缘声故。若谓先从身顿生起诸觉,后由自同类生觉决定,故非多觉顿生。曰:身之功能后时故遮止?应不遮止,是常住故。

辰三、断诤 身灭非依故,心应单独住。若心续住因,不为彼因转, 而作其支分。即此世五处,是生余身因。为破彼支事, 及因,不可得,说非能决定。根等是有余。前根于自类, 现见诸功能,见转故余余,诸生亦成立。若彼从身生, 犯如前过失。若从心,余身,亦应从此生。 若谓死时身遮灭,心应单独安住,以心不间断,而身非心之所依故。曰:若从欲界当生无色界之士 夫,死后心暂单独安住,以心心相续安住之因临死之心,不为彼后身因获得随转故而为助缘之支支分故。 若从欲界当生欲界之士夫,死后心非单独住,以彼临死之心,是后身之俱有缘故。问:若尔,何为后身 之亲因?曰:即此生之最后五处,是生余身之亲因,以是于后身体性,主要能饶益者故。顺世派为破临 死之身心,为彼后世身心之支分事及因性,以后世身心之俱有缘及亲因不可得故为因。论说彼非能决 定,以立彼宗之遍相错乱故。又根等亦非成立彼临死之根不结续后根之正因,以是成立彼宗之有余因 故。又亦能成立从前念根引生后念余余诸根,以现见前念根后转变成后念根故。如现在前念根现见有饶 故。又亦能成立从前念根引生后念余余诸根,以现见前念根后转变成后念根故。如现在前念根现见有饶 益自类之功能故。若谓其因不成,是从身生彼诸根者。曰:诸根应犯如前顿生之过失,以其亲因之身是常,相近有故。若谓根从心生,则其后余身亦应从此心生也。

卯三、结

非由离因故,诸最后心等,皆无相结续,故彼立有余。

外说:一切最后心皆无后心结续,由离亲因之身故。此说非理。以身非心之亲因故。 如果临终心 之能立,非成立凡夫彼临终心无后心相结续之正因,许是成立彼宗之有余因故。

癸二、释修亦无无边增长难 分二:子一、难,二、释。今初

由修虽增胜,如跳与水暖,非能越自性。

难曰:悲心虽由修习可以增胜,然不能超越以前自性,无边增长,如跳跃及水暖。

子二、释 分二: 丑一、喻义不同, 二、断诤。今初 若所作复须,观待勤功力,或所依不坚,殊胜不增长, 非如是自性。益彼诸功能,于诸后殊胜,无办功能故。 依非常住故。虽增非性故。若时所修作,不复待勤力, 余力转增胜。心中悲愍等,修生,自然转。如火等于薪, 水银与金等。故从彼等生,是性生功德。故能使功力, 后后转增胜。是从前同类,种子增长者,悲等诸觉心,

悲心非如是不无边增长之自性。若彼修习所作复须观待勤勇功力,或所依不坚牢性,则其殊胜不能 增长。然悲等之所依坚固,是由修习自然转胜之功德故。跳跃虽亦增胜,然非如是无边增长之自性,以 无饶益汝前殊胜之诸功能,而能成办饶益后殊用功能故。又水暖性虽亦增胜,然非如是无边增长之自性,以其所依非常安住而于竭故。

又跳跃等亦应无边增长,若时修习所作不复等功力,其余功力辗转殊胜故。已许此因。此颂又可作自宗解,谓悲愍等应能无边增长,若时修习所作,不复待功力,其余功力辗转殊胜故。又由彼等修习所生彼悲愍等,其后后修习功力辗转增胜,是心性中所生功德故。以是心中由修习生,复是自然而转故。喻如火等于薪等自然而转,又如水银与金等和合熔化,不待第二熔化故。悲等诸觉心若已修习,于何量住?应不住增长。何以故?以是从前同类种子增长者之心中功德故。

丑二、断诤

是余显根本。由修彼悲性,如离贪、贪、厌。

外曰:若悲愍等由修习力无边增长者,跳跃亦应能无边跳。曰:跳跃非如悲等,唯从前念同类生于后念无边跳跃,以跳跃量是决定性故。跳跃之因是体力与勤勇等功能,量决定故。问:若尔,则从最初应如后时能跳。曰:彼练习跳跃之人,非从最初便能如后时所跳,以有痰湿等病,与身轻利相违逆故。又习跳者,纵以功用渐除逆,然亦不能无边跳跃,以安住自因体力决定量故。问:一切有性应皆有大悲心,以悲心从前念同类生,时无始故。曰:悲心以自种子为因者,若无逆品损害,则于心中自然而转成彼体性。以是从自种子所生之心功德故。若悲心后。发生瞋恚等逆品违害其种子,则不能相续增长,故非一切有情能成就大悲心也。诸佛世尊由修习力成悲体性。谓由前前修习之心法,悲愍离贪之觉等为同类余心显现之根本故,喻如阿罗汉离贪之觉,有贪者之贪欲,瑜伽师之厌离等心,皆自然而生起。他居不追常,追常不应理。如独自无力思,如其法,非从无法,是不是常见等。

(略结上义,谓分别意识为有因无因?无因如后文破。若有因,其因为常为无常?常不应理。常有遍常与不遍常。遍常不应理,如破自在为因,包括计时、方为因等。破不遍常法为因,如上述:非从无次第生有次第等所说。若计从无常因生者,则观意识自体为常无常?若计常者,如下文破常我时广说。若自性无常从无常因生者,则观身心为一体为异体?一体不应理,如是身亦应生功德等文广说。若异体者,为从物生为从心生?若从物生者,身仅为意识之俱有缘,是已极成,非是所破。若计身为意识之殊胜因者,为作亲因缘,为作殊胜增上缘?初不应理,观为前后,为同时因?初不应理,身住心亦应住等广说。同时因不应理,身无盛衰等文广说。若计为殊胜增上缘者,应如眼根饶益限识之理而破。又观作殊胜所依之身,为有根身?为一切根之合?为是无分一体之粗身?为是众多细分?前二不应理,彼如觉缘故等文广说。计无分粗身不应理,手等摇动时等文广说。计众多微尘身为意识殊胜所依,不应道理,无余是因者等文广说。若计意识从前念心生者,为从自心前念生,抑从他身如父母之前念心生?若从他身前心为因者,为作自意识之亲因缘,为作殊胜俱有缘?是则父母聪明多闻等,子女亦应如是。或父母愚暗无知,子女亦应尔。在讲亲因使果随转时广说。若从自心前者,则善成立自宗同一有前后世。总主量曰:初生无间之意识,必有前念心意为先,是心法故。如现见现前贪生瞋恚等。凡夫临终意识必有后心结续,是有贪心故,如现见从贪心生瞋恚等。)

#### 释量论略解 卷第三(终)

#### 释量论略解 卷第四

辛二、加行圆满 分三: 壬一、略标,二、广释,三、结义。今初 具悲摧苦故,勤修诸方便。方便生彼因,不现彼难说。

具足悲心之加行道菩萨,应精勤修习息灭众苦之诸方便行,以是欲摧灭他苦之异生故。此因决定, 以方便所生之苦、灭二谛及彼因之集、道二谛,是不现见事故。若自对彼不现见者,则难为他宣说故。

#### 壬二、广释

以教理观察,由苦性差别,当了别苦因,彼无常等性。

如是因安住,不见果遮故。为摧彼因故,当观彼逆品。

了达因性故,亦解彼逆品。由我我所执,有为为行境,

贪爱是其因。彼之能害者,见无我,相违。众相多方便,

经长时修习,于其德失相,当能极明显。心亦明显故,

因习气永断。能仁为利他,胜出麟喻等。

若尔,通达四谛之方便云何? 曰:又彼加行道菩萨有通达四谛之方便,谓以教理观察四谛理故。又彼菩萨以苦性之差别暂时生故为因,了别苦因及彼因无常等自性。以如是因若安住,则不见其果能遮止故。又彼菩萨当观彼集谛之对治逆品,为欲摧毁彼苦谛之因故。又彼菩萨亦能定解彼集谛之逆品,以了达集之因性故。问:若尔,苦谛之因及彼之违害为何? 曰:由我我所执所作成之有为法为所行境之贪爱,是苦谛之因,以是彼之根本故。现见无我之慧,是彼我执之能违害者,以与彼我执由于行相正相违门而能破除故。问:若尔,由于修习现见之理云何? 曰:伟大能仁,永断苦因之习气,以心于取舍最极明了到究竟故。对于功德过失亦极明了,以无量行相众多方便,三无数劫长时修习,乃能如是故。又伟大能仁,胜出麟喻等,以利他行到究竟故。

## 壬三、结义

义故修方便,许彼是大师。成就先起故,说此二为因。

其能修无我慧之方便,许彼是此处所说之大师,以是彼究竟大师之因义故。究竟大师是能为他人宣说我慧者,能成此大师之因,即能修习无我慧者,因立果名,故称大师。此上意乐加行二种圆满,说为果圆满之因,以较成就二利之果,先生起故。

庚二、果圆满,分二:辛一、善逝,二、救护。初又分二:壬一、正说,二、断诤。今初: 因断具三德,是为善逝性。非苦所依故。是善,见无我, 或从彼加行。生及过普起,说为复退转,断我见种故, 是不退转性。彼谛异体性。身语心粗重,无烦恼无病, 余说道不明。修故无余断。

世尊是得具足三德之善逝性者,无余永断众苦因故。问:三德云何?曰:一、是善断,谓已得永断,非苦所依故。善因为先,谓从现见无我,或从已修习加行而得故。二、不复退还生死,谓是永断我见种子故。若还生生死,及普起众患,说为复退转故。问:通达无我慧,如何违害我执?曰:通达无我慧,能害我执,以与彼我执行相各异而体性相违,无倒通达谛理故。三、声闻独觉阿罗汉,犹余身语心之粗重,虽无烦恼,无逼恼心意之病,然于宣说解脱道,心不明了故。诸佛世尊无余永断一切过失,以 修习对治到究竟故。

壬二、断诤

有说语等故,过失非永尽。引遮相犹豫,故是错乱因。 常故、无便故、或便无知故,为何遍计说,诸过失无尽? 有因故,由修,因对治尽故,由了知因性,知彼亦成立。

顺世派等有说:能仁诸过非尽,以发语故,具足根等故。曰:此发语等,非成立彼宗之正因,是遍 相错乱因。以于彼逆遍生犹豫故。复次,为何遍计诸过失无尽?为因过失是常住故?或虽无常,而无能断之方便故?或彼方便无能知故而说诸过不能尽耶?彼等一切皆不应理。以过失有因,故非常住;由修 因之对治即可断尽故有方便;由了知因之自性,即亦成立知彼方便故。

救护者宣说,亲自所见道。无果,不妄语。具足悲心故, 凡一切所作,为利他行故。以故是定量。

诸佛世尊是救护者,以宣说自所见道到究竟故。又佛世尊不说妄语,以现见宣说妄语无所求果故。 又佛世尊是定量士夫,以具足悲心故,凡一切所修道皆为利他而加行故。

巳二、逆成立量 分二: 庚一、广说,二结义。初又分二: 辛一、果圆满,二、因圆满。初又分二: 壬 一、救护,二、善逝。初又分二:癸一、由说四谛显为救护,二、抉择所说四谛。今初:复次救护者,宣说四对谛。

上来由顺次门成立世尊是定量士夫。复次当由逆次门成立。谓佛世尊是救护者,以宣四圣谛到究竟 故。

癸二、抉择所说四谛 分四:子一、苦谛,二、集谛,三、灭谛,四、道谛。由初又分四:丑一、明苦,二、成立彼无始,三、破计有始,四、解说谛相。今初: 苦流转诸蕴。

由宣说四谛是救护者。何为四谛?曰:苦、集、灭、道,是为四谛。苦谛云何?曰:谓五蕴,是名 苦谛。从无始来流转生死故。

丑二、成立彼无始 分二: 寅一、出因,二、成立相。今初:

由修习现见,贪等明显故。

顺世派云:前因不成,无前后生故。曰:初生无间之贪等,应有前念同类为先导,以现见由于修习能 明显故。

寅二、成立相 分二: 卯一、破无因生,二、破邪因生。今初:

非是随欲性,无因生违故。

初生之贪等,非无因缘随欲而生,以暂时生故。此因决定,若无因者生相违故。

卯二、破邪因生 分二: 辰一、破三病为因,二、破四火种为因。初又分二: 巳一、标,二、释。今 初:

由有错乱故,非风等之法。若谓性杂故,无过。则彼法,

余法何不见?一切贪应同,故非一切法。如色等无过。

若非由特殊,诸业增上者,彼诤亦相同。若计贪等是,

一切法性者,无能、无自性,果由何不同? 若谓贪等三毒非从前念同类所生,是从三病如次而生。谓从痰生贪,从胆生瞋,从风生痴。曰:贪等 三毒,非风等之亲果法,以于风等有错乱故。现见患痰病者,瞋增上故。若谓痰中有胆性杂故,无错乱 过者。曰:于痰病者,彼胆病法除彼瞋外,为何不见有肉黄等余法?理亦应见,以彼有亲因胆病故。又贪等三毒应非一切病之亲果法,以若是者,则三病等分之一切人,应有贪心大小相同之过故。若谓如大种因虽相同,然色体等有大小不同者,故无过失。曰:于彼色体亦应无大小差别之诤相同,以于彼色, 若非特殊诸业为增上缘,其大种因皆相同故。又若计贪等三毒皆可从一切病生,是一切病自性之法者。 曰:是则三毒果法由何因由而不相同?理应相同,都无差别,以无差别功能,及无不同自性故。以从一 切病皆生三毒故。当知贪等非三病之亲果。

## 巳二、释

诸患难有别,而无差别故。不成者,非尔。一切变,变故, 亦非一切生。若因增长时,果不可衰减,犹如烦热等。 贪等之转变,是从苦乐生。不等分生苦,若不生贪者, 当说由何生?从等分增液,从彼生贪者,不等见有贪, 余等分亦非。余尽,滴血亦。一女液无定,于一不猛贪。 若色等亦支。非、皆不定故。无定,应不生。不执德,应生。 执德亦是支。应一切皆成,执为功德者,因无差别故。若时许有贪,如时非有瞋,二体不同故。不见此决定。 若谁说贪等,依赖于同类,习气差别转,彼无此过失。

贪等三毒亦非从一切病亲生,以诸病患有增减之差别时,而三毒等不会有增减之差别故。若谓因不 成,以由胆病逼身,生瞋恚故。曰:仅由尔许,非因不成,由一切病变化加重,皆能变化生瞋恚故。根本因决定,以因增长时,果不可衰减故。喻如从胆病增长,则增长烦热等。又贪等转变,非唯从病生,是从苦乐所生故。试问:若从三病不等分所痛苦,不生贪者,当说由何生贪?若谓由三病等分增长精液,从彼生贪者。曰:彼不应理,现见三病不等分者亦有贪故。余瑜伽师虽三病等分亦非有贪故。又余 成,从饭生员有。口:饭小应连,吃吃二锅小等为有奶有质成。 宋明伽州虽二锅等为奶非有质成。 又宗士夫,精液虽尽,由于滴血亦见生贪故。又如贪着一妇女之士夫,于彼一妇女应不成猛利贪者,以于彼一妇女增长精液无决定故。若谓亦须好色等为生贪之支分者。曰: 妇女之妙色,非是贪欲之亲因,以于一切妙色者,不决定生贪故。于不决定有妙色者应不生贪,有此过故。又于妙色不执功德亦应生贪,有斯过故。(以上三句说妙色非生贪之亲因。(一)于有者不决定生,(二)不计为好则不知,其一 为无者亦有生者。)若谓于妙色执为功德,亦是贪之支分者,曰: 妇女妙色正现前时,一切士夫皆应成为于彼妙色执功德者,以有彼因无差别故。若时痰病增上之士夫,如是应非有瞋者,以许是有猛利贪者 故。此因决定,以贪瞋二心执持体性不相同故。不应许尔,于此患痰病者不见决定不生瞋故。若谓患痰 病者应不生瞋之过失,汝亦相同。曰:彼佛弟子自宗,无此患痰病者不生瞋之过失,以说贪等依赖同类 习气差别而转故。

## 辰二、破四大种为因

此破大种性,所依亦破故。白色等非是,依止于地等。 依声亦因义,或与自所依,无别而住故,是依余非理。 若如醉等能,有别,非离事,有余义功能。能坏事应坏。 所依若全住,能依应非坏。若相同,非尔,了达现相异, 大种心异故。乃至身坏时,如色等,意体,应同。然分别, 岂是义增上? 若时无待身,有识为余识,习气醒觉因, 故从识生识。

若谓贪等虽非三病之亲果,然是四大种之亲果。曰:此破贪等是三病亲果之理,亦破贪等四大种亲果 之法性,道理相同故,若谓大种是贪等生成安住之所依,曰:大种亦非贪等已成后安住之所依,彼同时所依亦破讫故。若一切余义所依皆破者,则与说大种是大种所造色之所依,应成相违?曰:白等色非同时依止地等大种,以与大种是因果故。白等色其大种是同时余义所依,非应道理。以汝依彼大种之声义,亦是以大种为因之义,或由与自所依法无分别而安住,以此因缘说是所依故。若谓如酒与麻醉功能,大种与心思是能依所依而有分别。曰:麻醉功能若失坏,酒事亦当坏,所依酒若完全居住,则能依 麻醉功能亦应非坏,以非离酒事,别有余义之麻醉功能故。若谓大种与心同一体性亦应相同。曰:大种与心非同一体性,是异体故。以不错乱觉了达现相各异故。又意体性应如色等,乃至身不变坏时,不变同转。以彼大种是汝不坏安住之所依故。若谓由所取义增上而转者,曰:诸分别心岂是由所取义增上而 转?非义增上,是以增益为境故。又诸心识是从前念识生后念识,若时无所观待身,有前念识为后念余 识习气醒觉之因故。

丑三、破计有始分二:寅一、以因破,二、以太过破。今初: 非识则非识,亲因故亦成。若许一切事,具识能故者, 草等端百象,先不见言有,除如牛数论,余有惭谁说? 百次分析因,所应见体性,彼性先不见,如何彼当有?

生死无始亦得成立,以识有亲因,而非识法非识之亲因故。若谓一切事皆具生识之功能故,诸非识 法非识之亲因,吾等已成。(此是数论计因中已有果,是因中之不显了识为识了识亲因,余法则非其 因。)曰: 言于草端等因上,有成百大象果,以先时不见之理而云有。除如牛之数论外,余有惭者谁作 是说?皆不应说。以彼果法于因体中如何当有?不能有故。以于其因百次分析所应现见其果体性,先于 因时不可见故。

寅二、以太过破 分二: 卯一、出过, 二、破救。今初: 从先无而生,贪等应无定。

若生死有始者,则贪等过于一切有情应无定生,以先无同类而生故。

卯二、破救 分三: 辰一、破有贪等之能立,二、破遍相不定,三、结。今初:

未越大种故,若都具贪等,一切贪应同。若由大种别,

诸种无生别,然此别所依,如其彼增减,此从有应无。

若贪等虽异,因同体无遮,故非。因体同,一切贪应同。

同体生牛识,或此中地等,非有有情等,诸差别次第。

暖次虽有别,非有无暖火。如是此亦尔。非尔以离暖, 余火已破故。若有余功德,具差别次第,彼等彼差别。

可断如白等。

若谓一切有情皆具贪等,以未越大种体性故。曰:一切有情贪心大小应皆相同,以大种因相同故。 若谓由大种之差别,贪心成大小者。曰:彼贪心先有,后应成无,以诸大种虽无大有情等之差别,然汝增减差别之所依大种,如彼增减差别而转故。若谓贪等虽有增减之异,然非有毕竟尽,以相同大种体性之因不能遮止故。曰:一切有情贪应相同,以大种体性之因相同故。比如数论派说:从牛同体性所生知牛识之境,无大牛等差别。或如此中顺世派说:于地等亦非有大有情等之差别次第(因同果应同)。若谓如火虽有暖大小之次第差别,然非有无暖之火,如是诸有情虽有贪等大小之差别,然无无贪等之有情。曰:法喻非相同,以离暖外余火已或放 德, 具足增减之差别次第故。如布上之白等。

辰二、破遍相不定 非定如色等,与种无别故。若彼同,曰非,贪等应俱故。

遍计为境故,境亦非能定。

若谓如于大种、色等不能分离,如是贪等亦尔。前说「从先无而生」遍相不定。曰: 贪等非决定如所造色等不离大种,以彼色等与大种无有分别,贪等与大种有分别故。若谓色等与贪等,于大种上彼无分别相同者,曰: 彼非相同。若相同者,贪瞋等应俱恃生故。若谓由所取增上,依次而生者,曰: 贪瞋 亦非同所取境能决定使依次而生,是以分别所遍计为境故。

#### 辰三、结

离同类因故,贪等应无定,或因相近故,诸觉于一切,

一切时应生。

贪等应于一切有情不决定生,以离同类因故。若谓无过,大种是常因故者。曰:若尔,一切诸觉于 一切有情应一切时生,以大种因常相近故。

## 丑四、解脱谛相

彼暂可得故,无常。过依故,因自在故,苦。非我。非加持。 非因非能持。常如何能生?故非从一因,多果异时生。

虽余因和合,亦不生果故。若比知余因,诸常非有彼。

彼诸取蕴是无常相,以暂时生可得故。是苦相,是众过所依故,及是业烦恼因他自在故。非补特伽 罗我相,以是无常与苦故。彼诸取蕴是空相,非我所加持故。彼我非能加持者故。彼我非因故。以从常一不应异时生多果,以常住如何是能生? 非能生故。以常住法无生果之功能,即与余因和合亦无暂生果故。若为比知余因,彼随行随遮,诸常住法皆非有故。

子二、集谛 分四: 丑一、因相,二、集相,三、生相,四、缘相。今初: 由是暂时性,成苦性有因。无因,不待他;应常有,或无。若如棘刺等,锐利等无因,如是皆无因,有作如是说。若此有彼生,若此变彼变,说此是彼因,此于彼亦有。触是色因故,于见是因由。

此苦已成有因性,是暂时生性故。若谓无因而生者,曰:此苦应不待他而生,以无因生故。若许尔 者,则应常有或永无也。若谓如棘刺等之锐利性等都无有因,如是一切事亦皆无因。有顺世派等作如是说。曰:棘刺之锐利等亦皆有因。若有此因彼乃生起,或此因转变彼亦转变,即说此法是彼法之因。此因道理于彼棘刺等亦皆有故。外曰:若尔,触应是缘色根识之因,以有触,缘色之根识乃生,无则不生故。曰:触是于见色根识之因由,是彼色之因故。

#### 丑二、集相

破常; 亦非有, 从自在等生, 无能故。

若谓虽然有因,彼因是常。曰:苦亦非有从自在等生,彼无饶益之功能故。常住为因已破除故。

# 丑三、生相

是故,有贪是为因。何故?谓诸人,遍执境差别, 得彼意乐作,彼有贪。何故?有情于乐苦,欲得舍而转, 许彼等即是,欲爱及坏爱。

有因是无常故,彼有贪是为苦之因。何以故?以诸人遍执境界差别,彼由欲得彼境之意乐而作,彼即有贪故。问:若有爱是因者,经说「三爱为因」,则成相违。曰:此不相违。何以故?以诸有情欲得安乐,欲舍痛苦而转,许彼等即是欲爱及坏爱故。

丑四、缘相 分二: 寅一、正说,二、断诤。今初: 由着我为因,于非乐乐想,于一切寻求,故爱是有依。 离贪不见生,诸论师所说。无身不见贪,从身亦生贪, 许彼因故许。是遣除亲因。若随许此理,自害自所计。 若生见贪故,谓与生俱起,同类生,前成。

爱是三有之所依。以由着我为因,于非乐起乐想,于一切境极遍寻求故。又爱是三有之所依,以诸论师说「离贪不见生三有故」,彼应理故。问:若尔,从身亦应生贪,以无身则不见贪故。曰:许从身亦生贪,以许身是贪之俱有缘之因由故。前文非破身是贪因,只是遣除是贪之亲因故。顺世派自已违害自已所计「无前后生」,以随顺此贪是身因之理,许身是贪因故。若谓贪非身因,以与身生而俱起故,以于身生见有贪故。曰:贪应不从身生,以与身俱起故。若许尔者,则应成立前念同类,以从同类因生故。

## 寅二、断诤

「不知」是有因,未说,唯说爱,能引相续故,无间故。非业, 有彼有无故。

问:不说无明与业是三有因,说爱为因,理由云何?「不知」虽是三有之因,此中未直说之理由,以非后有无间之能成故。说爱为因之理由,以能引三有相续故,及是后有无间之能成故。业亦非主要因,以若有彼爱,便有业等。若无爱者,纵然有业,亦不定生三有故。

子三、灭谛 分三: 丑一、灭相,二、静相,三、妙相。今初:彼非坚固性,因有碍等故。转故无解脱。非,许,不成故。若未坏我贪,彼当受逼恼。尔时增益苦,不能住自性。虽无解脱者,勤摧邪增益。离贪安住者,由悲或由业。

引业无遮欲。已越有爱者,非余所能引。俱有已尽故。

彼苦非坚固性,其因容有障碍等故。若谓补特伽罗我,应无解脱,是轮转法故(轮转即生死)。 曰:如是出过,于佛弟子非是违害,可以答「许」,及「因不成故」。许无我故。问:若无解脱者之 我,精勤修道应无义。曰:彼诸异生虽无解脱者之我,然为摧毁邪增益故,须勤修道,乃至未能摧毁我 贪,便为众苦逼恼。尔时于苦增益为乐,不能安住乐自性故。问:诸阿罗汉应刹那顷不住生死,由已现 证无我。于自利义无希望故。曰:离贪之阿罗汉,由于悲心或由业力,安住生死。由业所引余苦,无欲 遮止,或见有某所为而安住故。问:若由业住,当生后有。曰:已越有爱之阿罗汉,业力不能引余有, 以俱有缘爱已尽故。

## 丑二、静相

知苦以无违,前行随转者,事法生悲愍,非连系有情。 被于无我法,增余我而贪,由了苦相续,而生起悲聪, 痴是过根本,彼是执有情,无彼则不从,过因而生起, 故许悲无达。非无有解脱,由宿行已尽,不续余生的, 行功能无尽,彼住无过失。由悲下劣故,无大功之。 若是大悲者,为他而安住。离萨迦耶见,初道应无苦。 未断俱生故。若断岂有有?若欲得安乐,及欲不受苦, 所有念我觉,俱生有情见。若不见有我,则全非我贪。 若无有我爱,非求乐奔驰。

问:诸阿罗汉应未断执,具足悲心故。曰:诸阿罗汉发生悲心,非与有情见相连系,是现知有情为苦逼恼,于彼无违修平等性,随彼先行而转,生为心之事法故。问:诸阿罗汉应有贪心,具悲心故。曰:贪与悲心所缘行相皆不相同,若于非净乐我性之法,增益为余我性而生贪心。仅由了知有情是苦相续,而生起悲愍心故。问:诸阿罗汉应有瞋恚,具悲心故。曰:诸阿罗汉非从过失因而生瞋恚。以愚之战。问:若由业安住,应不解脱。曰:诸阿罗汉非无解脱,以宿行之功能已尽,不再结续余有估。。 大乘阿罗汉安住三有亦无过失,以二资粮行之功能无尽安住故。问;若以悲心安住生死,应常安住。口:小乘阿罗汉无大功力安住三有,以悲心下劣故。若诸大乘阿罗汉,尽生死际,为利他故安住三有,以是大悲究竟之补特伽罗故。问:若萨迦耶见是生死之根本,则预流者初得圣道时,应即不生三有,以已离萨迦耶见故。曰:此因不成,以未断俱生萨迦耶见故。若言已断,岂有生于后有?应无有也。又预流者,应有俱生有情见,以有想自在我之觉故。以有愿我安乐或愿不受苦之欲心故。若无自在我见,则都不着我。若无我爱,则非为求乐而奔驰故。

丑三、妙相

生苦因即缚,于常何有彼?不生苦因解,于常何有彼?不可说无常。彼非任何因。于不可说中,缚解皆非有。若自性无坏,智者说彼常,弃此可羞见,当说彼是常。

问:于得妙解脱,须有常我为系缚解脱之所依。曰:应非须彼所依,以生苦之因即能系缚。于常住中何有彼事?必无有故。不生苦之因即能解脱,于常住中何有彼事?必无有故。正量部说:「彼常无常都不可说之我,是系缚解脱之所依。」曰:彼我应非任何果法之因,以不可说是无常性故。系缚解脱皆应非有,以常无常俱不可说故。正量部应抛弃此于正相违中计第三聚可羞之见,当说「彼我是常」,以彼我是不坏法故。若法自性无坏,诸智者即说彼法是常故。

子四、道谛 分二: 丑一、说自宗之解脱道,二 破他派之解脱道。初又分三: 寅一、明达无我慧是解脱道,二、断诤,三,明我执是三有根本。今初: **修彼已说道,转依**。

问:若尔,能解脱生死之道云何?曰:彼前已说,现证无我之慧是解脱道,以是由修彼慧获得究竟转依之道故。

寅二、断诤分二:卯一、断断已复退之诤,二、于证我慧是我执之对治断诤。今初: 虽转依,如道过复起。非尔,无能故。识是取境法,

如有而取彼。彼所有体性,亦是此能生。是此性。从此,由余缘歧误。遮止观待缘。不坚如蛇觉。心自性光明,诸垢是客尘,故先无能者,成性后无能。有能,于能生,损害坚实事,亦不能久住,如湿地上火。无害,真实义,于自性。颠倒,尽力,不能遮,觉持彼品故。

问:若一次转依,如从有漏生道,如是过失应复起。曰:断德究竟之士夫,过不复生,以无生过失之功能故。此之原因,谓心性光明,诸垢是客尘故。如缘色根识,是如色所有而缘,以如境色所有而缘,是彼识之法或自性故。色引生缘色识,则是色之自性,以如自所有体性,亦是缘自体性,缘色识之能生故。执蕴常之觉,非有境之自性,以从此境本性,由余缘故,使成歧误,若遮止彼,须待缘故。然彼错觉,非于心中不可分离,以不坚固,是由乱因所染污故。如于绳上误起蛇觉。通达诸蕴无常之觉,则是心性光明,以是通达境实相之觉故。诸垢是客尘,从错乱因生故。若心相续已成通达无我慧之体性,以后诸垢再无损害之功能,以先闻思观察时,尚于通达无我慧是诸无损害功能者故。又不还者,心中虽有引生过失之功能,然非有久住之功能,以是能生损害我执之对治为坚实之事故。如湿地上燃火。究竟转依之士夫,颠倒虽极力阻挠,然已断者终不复退,以无生死违害,已现证真实义,彼已入心自性故,以汝之觉坚持彼通达无我慧之品故。

卯二、于证无我慧是我执对治断诤

我执一因性,是因果事故,贪瞋虽互异,然非能违害。 慈等愚无违,非极治罚过,众过彼为本,彼是迦耶见。 见明逆品故,心所所缘故,说邪缘无明,故余不应理。 相违此当说,空见违彼故,与彼性诸过。相违善成立。 众生法性故,非尽,如色等。非尔,不成故。若连对治品, 现见可遮故。已灭诸过失,非如坚还生。彼体使无系, 如灰不定故。

问:通达无我慧是我执对治,不应道理。若唯以行相相违,便是对治者,贪瞋亦互成执对治故。曰:贪瞋虽行相各异,然非能害,以同从一我执因而生故。及是互为因果之事故。问:唯通达无我慧是对治,不应道理,慈等亦是对治故。曰:缘有情之慈等,非极治罚过失者,以与愚痴无明行相无相违故。一切过失无明为根本,彼复是萨迦耶见故。问:若萨迦耶见为无明,不应道理,以萨迦耶见是邪分别,无明是心续不明显故。曰:无明非唯不明了,及唯明所余法,以是明智之相违逆品故。及是心所,取所缘故。无明与萨迦耶见说为余体不应理,经说「邪缘之萨迦耶见即无明」故。问:经如何说?曰:月灯经云:「云何为无无知?谓于诸如实法不加增益。」问:若尔,云何与无明相违?曰:相违此当说。通达空性之见,与彼无明自性及彼所生一切过失,皆属相违。极善成立。以与无明行相正相违故。问:众过失众生应不能尽,以是众生之法性故。如瓶之色等。曰:众过以是众生法性之理由,说不能尽,应非如是,于彼法性不成立故。若与对治品相连系,现见可遮止故。若谓过失虽一次灭,仍当复生。曰:究竟转依之心,诸过已灭,非如金之坚性仍能复生,已成通达无我慧之体性,便不系属故,及对治虽退,所断不定复生故。如火虽熄,然灰不复成薪。

寅三、明我执是三有根本

若彼见有我,当常着于我。由着:爱于乐。由爱,障众过,见德而遍爱。我所彼成取,故贪着于我,尔时当流转。 有我则知他,我他分执瞋,由此等相系,起一切过失。 今当成立「空见违彼故」之因,谓乃至几时贪着于我,则彼补特伽罗流转生死。若谁见有补特伽罗我,则彼常时爱着于我。由着我故,当爱我乐。由爱,障蔽过失,见为功德,周遍爱着。执乐为我所,为成办彼乐而追取故。又彼我执,是过失之根本。以有我执,则知有他。由执我他之分,发生贪瞋。由与引贪瞋相连系,当生一切过失故。

丑二、破他派之解脱道 分四:寅一、破胜论之解脱道,二、破数论之解脱道,三、破自在派之解脱道,四、破尼犍子派之解脱道。初又分二:卯一、出过,二、破救。今初: 我爱则决定,不离我所爱。无过则我爱,离因亦非有。

胜论派说:虽爱着我,若于我所离爱即当解脱。破曰:欲求解脱之士夫,应于我所不能离爱,以是决定爱着我故。又彼士夫应亦非有离我爱之因,以贪着我无过失过故。(胜论派说我是实句摄,是实有物,故着我非是过失。若着我所而起贪爱,则受生死。故说断我所爱为解脱道。)

卯二、破救 分三: 辰一、修有过非解脱道,二、修是苦非解脱道,三、执功德非系缚。今初:

若谓贪有过,修此有何益?若谓能断彼,未破除此境,非能断彼贪。断德失相连,贪及瞋恚等,由不见彼境,非由外道理。贪非同德贪,是见义功德。其因无所缺,何能遮其果?见贪有何过?若谓苦所依,虽尔非离贪,见我所如我。若谓无我所,我非苦因者,彼亦与此同。如是俱无过,故俱非离贪。

外若谓「我」虽无过,然应修「贪我」有过。问曰:修彼有何益?外若谓能断彼「我贪」。破曰:若未破除此「我贪」所著之境,应不能断除彼「我贪」,以断除与德失相连之贪瞋(贪与功德相连,瞋与过失相连,即见德生贪,见过生瞋也),是由于境上不见有彼功德过失(即见境上无彼德失),而断彼贪瞋。非如外物拔刺之理而断故。又彼我贪,非由见彼之过失而断,以非仅由见彼之功德而生彼贪,是由见我义之功德而生彼贪故。(由见我之功德而生我贪,非由见我贪之功德而生我贪。故修我贪有过并不能对治我贪也。)其欲求解脱之人,如何能遮我贪果法?必不能遮,以彼之因(我)无所缺故(既有我为因,则必生我贪为果也)。试问见我贪有何过失?若谓是苦之所依故,破曰:我贪虽是苦所依,然非于汝离贪,以见汝是我所故。譬如我虽是苦乐之所依,然不离贪。若谓我无过失,以无我所之单独我,非苦因故。破曰:彼我所,如彼我亦应无过,以无我之单独我所,亦非苦因故。若许尔者,则应于我与我所俱不离贪,以彼二俱无过故。

辰二、修有苦非解脱道 分二: 巳一、叙计,二、破执。今初: 若如蛇伤肢,修苦而断者。

若谓如被毒蛇所伤肢节,由于我所修苦,则当断除。

巳二、破执 分二:午一、破喻,二、破义。今初:

要摧我所觉,舍此非能遮。

被毒蛇所伤肢节,非仅修苦便能遮止,要摧毁我所之觉,割舍此肢,乃能断除故。

午二、破义 分四: 未一、以有自觉破,二、以有我执破,三、以余理破,四、以我无过破。今初:

对于根等,执着为自所有之觉,由何能遮?必不能遮,以执根等为受用之所依性故(由眼等根受用色等境,故根是受用境之所依)。若许尔者,则于汝如何能离贪?定不愿理。虽于脱离身之发等起厌离心,然于余者(未离身的)则生贪着,是一切众人所现见成立故。又诸根等,纵见为苦,应不能断执为我所之心,以于彼我由和合等关系,而产生自所有之觉,其关系如前安住故。又不须于我有和合之关系,为生我所执之因,如衣食等,虽于我无和合等,然由见彼有饶益性而起执为我所之心故。若谓彼不起自所有之心,以生苦故,如被毒蛇所伤之指。破曰:彼非一向生苦,有时亦生乐故。若谓彼不生自所有之心,以多生苦故,如杂毒饮食。破曰:诸异生类由于贪着殊胜快乐,于彼相违下劣之乐暂能离贪,然仅由此不能成立离贪。如由爱着殊妙饮食之乐,而暂舍弃少分余乐,然在不得殊妙饮食之时,则无所思择,由贪我故,随得何饮食而趣食故。喻如未获妇女,则见于畜生而行欲行。所欲为我之士夫,彼得解脱时,其作领受忆念等所依之我,如何欲令其坏灭?不应道理。以领受及取舍名言与功德等之所依息灭,如何许为所著之我?不应理故。外道所计之自性我,非是受念所依息灭故者故。

#### 未二、以有我执破

一切相执我,则坚固我贪。彼即是安住,我所执种位。 虽勤,依德转,障我所离贪,亦障彼过失。若于我离贪,

则无离贪者,如彼亦许我,修苦则无义。

彼欲得解脱之人,应是安住于我所执之种子位,有我执故。以一切相执我者,则能巩固我贪故。又被人虽于我所勤修为苦,然于我所仍作离贪障碍,亦能障蔽我所之过失,以依我所之德分转故。若谓得解脱时,则于我亦离贪。破曰:是则应无离贪之我,以于我离贪无所知故。又彼为得解脱故而修苦应全无义,以得解脱时,如彼我所,我亦舍故。

#### 未三、以余理破

虽修彼等苦,仅识为苦性,彼先已现见,虽尔无离贪。 若由见彼过,刹那遮彼心,然彼非离贪,如欲于余妇。 有取舍差别,从一所生贪,随彼生起时,即一切贪种。

虽然如是修我所为苦,亦应无离贪。虽修彼等我所为苦,亦仅了知为苦性,彼先已现量成立,而非离贪故。若谓其因不成,由见彼境之过失,即见离贪故。破曰:设彼士夫由见彼境之过失,刹那顷遮止其贪心,然非于彼境离贪。以于所取与所舍之差别有贪着故。以从一境所起之贪心,随由异门生起之时,即是一切贪心之种之故。譬如有欲之人,虽于一妇女见其过失,然由贪着余妇,则仍起贪心。

#### 未四、以我无过破

无过有境贪,能成亦无过,众生亦唯尔,今于何离贪? 于彼彼有过,彼于我亦同。彼过不离贪,更于何离贪?

于我贪着与诸根等,应皆无过失,如其次第,以是无过我之有境与彼乐之能立故(贪是缘我之有境,根是彼乐之能立)。若计尔者,今复于何事离贪?应无离处,以我与我贪及我所三事,皆无过失。所谓众生,亦唯是彼三事故。若谓于彼我所起彼贪是有过失,是苦所依故。破曰:若尔,则我亦应有过,以是苦所依,我亦相同故。若许尔者,则彼士夫当于何离贪?应无所离,虽见彼我之过失,犹于彼我不离贪故。

## 辰三、执功德非系缚

由见德起着,见过失则灭。如是根非尔。愚等亦见故。 具过亦有故。虽具足功德,于他则无故。及于过去等, 我所亦无故。是故我所觉,因非由见德,故见非功德, 亦非能断彼。又增不实德,由贪亦见彼,成彼因无害, 如何能害彼?

外曰:于我所之贪着,由见过失即能断除,由见功德而生起故。破曰:其于根等之贪着,从见功德而起贪着,由见过失而坏灭,如是汝非由见根等之功德而生,以不了知根等德失之凡愚等,亦见有贪故。于有过根等亦有贪故。于他人之根等纵有功德,亦无贪故。于过去等之我所不生贪故。又于我所之贪觉,非由见我所之非德而能断,非以见功德为汝之因故。又于我所修为苦,如何能害我所贪?定不能害。以已成立生汝之因无害故。以于我增益不实功德之贪者,亦见于彼我所而起贪故。

寅二、破数论解脱道 分四: 卯一、破了知各异即得解脱,二、破唯厌离便能解脱,三、明彼等是生死,四、教令断除萨迦耶见。今初:

上求利他故,有生灭觉故,此众生了知,我异于根等,故非见一贪,其贪着我者,是于缘内支,本性而贪者。

数论派说,虽唯修苦非解脱道,然将自性与士夫(神我)执为一体,则流转生死,由了知各异得解脱。破曰:士夫应非由见根等之自性与神我浑为一性而生贪着,以此凡人亦了知我异于根等故。以上根等求利他故,执我常住,而有了达根等生灭之觉故。若尔,何为贪着我所之因?曰:彼我贪即我所贪之因?由依于汝,则于所缘内支,自性贪着故。(数论是计二元者,一谓神我,二谓自性。神我被自性所变之二十三谛所迷,则流转生死。由修禅定引发天眼,见神我与自性各异,自性所变灭,神我得以独立,说名解脱。)

卯二、破唯厌离便能解脱 分三: 辰一、正破,二、指示离贪,三、释违教难。今初:

若由现在苦,厌离是瞋彼,非离贪。尔时,有贪求余故。

瞋苦为因故,彼唯尔时住,彼灭则自已,仍依于自性。

若谓由苦生厌离心便得离贪。破曰:若如是由苦生厌离者,是瞋相应,非是离贪。以彼厌心生时,亦有贪着故。以于尔时寻求余安乐位故。若谓相续生瞋则能离贪。破曰:怀瞋之士夫,非由生瞋便成离贪,以彼瞋心唯于有苦时而安住,若瞋心灭,则仍依于自已本性之贪故。初因成立,以瞋恚是以苦为因故。

辰二、指示离贪

取舍俱断故,于刀割香涂,观一切平等,说名为离贪。

外问: 若厌离不是离贪,何为离贪? 曰: 阿罗汉说名离贪,以于刀割香涂,一切平等观故。以于所 取与所舍俱断贪着故。

#### 辰三、释违教难

经说修苦者,意依于行苦。我彼从缘生,是无我见依。 空见得解脱,余修即为此。故说无常苦,由苦故无我。

外曰: 若修苦非解脱道, 经说修苦则成相违。答曰: 此不相违, 意依周遍行苦, 说修苦故。又我所 说之彼苦,亦非依于常我,是从缘生故。其修行苦非解脱道,仅是无我见之所依故。空性见乃是解脱道,由修空见能解脱故。经说由通达有为无常,故而通达有漏皆苦,由通达苦故而通达无我。其理由即 由空见而能解脱,其余所修即为生彼故。

## 卯三、明彼等是生死

非离贪,有爱,依止诸发趣,非解脱惑业,彼名生死者。 不许我所性,则无彼受者,造作受用相,彼我亦应无。

如是计为离贪而有我执之补特伽罗,名为生死者,以未解脱烦恼与业故。以非离贪及有爱心,是依止一切取舍之发趣故。若谓解脱生死者,则应无彼我所之受者,以不许我所性故。若许尔者,则尔时亦应无彼我。以彼我是以造作业与受用果为相故。

# 卯四、教令断除萨迦耶见

故欲解脱者,当根除无始,同类因种生,诸萨迦耶见。

故欲得解脱者,当根本拔除从无始同类因种子所生之萨迦耶见,以萨迦耶见是生死之根本故。

寅三、破自在派之解脱道,分三:卯一、破能立,二、说违害,三、明解脱道。今初:

教说如是事,诸未见因者,说教能解脱,不能使欢喜。 究种等仪轨,非使人不生。涂油火烧等,我亦应解脱。 先重后轻故,非能消灭罪,使此重性无,无体罪非重。

自在派说:上述彼等虽皆非解脱道,唯自在之言教是解脱道,以用自在言教中所说之咒,而咒种子 则不生芽故。破曰:诸求解脱者非唯以自在言教宣说便生欢喜,以自在言教对所说义是不欺诳,未见如是事之因由故。使咒过之种子不发芽之仪轨,非能使人不生后有。若果如是,则涂油及火烧等(即照自在教中所说「沐浴涂油与烧护摩等仪轨」),亦应能使我解脱故。若谓护摩能令解脱,以烧护摩后,将罪人称之,先重后轻故。破曰:仅由此事,非能消灭罪。由烧护摩使此身无重性,罪非可称重故,罪无

卯二、说违害 分三: 辰一、灌顶不能害三有因,二、破救,三、断诤。今初:

邪智及彼生,爱思增上力,生趣下贱处。故断彼不趣。

唯从彼生故,即彼等能生。彼思即业故,能生因无失。

邪智及彼所爱相应思,若以对治力断除彼思,则不趣向生死。以由彼思增上之力,趣下贱处而生 故。凡人生生死者,由彼邪爱相应诸思能引,以唯从彼思而生故。外问:业岂非因耶?曰:离邪爱相应 诸思外,不须余业为三有因,自已即引后有之业故。具足灌顶之士夫,应生三有,以有彼因未失坏故。

## 辰二、破教

趣与达所依,彼从不见生,不见灭,无趣。故是行,非思。 随有无转故。能生作根者,见觉有功能,非是由余力。 彼等既有彼,云何而不趣?

外曰: 彼应不趣三有, 作趣者与了达境之所依者谓诸根, 彼从不可见之业生, 由不可见之业力而灭 故。以是我之行为业,非是思也。破曰:能作根之生起,现见是觉思之功能,应非由余而生,以随思之 有无转故(谓内有思惟,乃有所作,若无思惟则亦无作)。彼等具灌顶之士夫,云何而不趣三有? 定应 趣彼,以有彼邪爱相应之思为因故。

# 辰三、断诤

若彼等无能,灌顶等无间,彼等由思力,取、转与散乱,及灭皆应无。若谓于彼时,无觉故不生。诸垢觉相续,彼等能若无,活亦应无能。对治与自品,增则减增故。罪流有自种,灌顶不能遮。常,无观待故,次第生相违,作不作同性,造作成相违。因果亦应一。彼等若异彼,作恶者生坏,功能亦能成,他权恶等过,想于既故难

作受者失坏。功能亦能成。他忆受等过,都无所妨难,

全无念者故。是从受生念。

外曰:彼等士夫应不生三有,以彼思等之功能由灌顶力所破坏故。破曰:若尔,则彼等受灌顶等无

间,其由思增上取境,于别境转,于余境散乱,及彼坏灭,皆应非有。以思之功能被灌顶破坏故。若谓彼不生三有,以彼死时则无觉故。破曰:若尔,则彼生活时亦应无生觉之功能,以诸垢染令觉相续之功能,被灌顶力使无有故。又有自种子之诸罪流,仅受灌顶不能遮止,要对治通达无我慧增长,过乃损减。若自品增长,则愈增长故。若谓唯思为因,不应道理,以常住我亦是因故。破曰:其常住我,次第生果则成相违,不待缘故。是常住故。又能作果亦成相违,以作果与不作果,体性相同故。(以常我为因,先既不作果,后又作果,则成想违,以我性相同故。)又因与果亦应成一体,以常我为因故。若谓彼等因果与彼常我物体各异者,则计我是作业者与受果者,便当失坏,以与因果物体异故。又常住我饶益果之功能应不成立,以汝时果果不灭故。外难:若无常住我,应有他人所受,余人回忆之过失。答曰:以破常住我为因由,他人所受余人回忆,及他人作业余人受报等过失,皆不妨害,以全无常住我为忆念者故。外问:若尔,念从何生?曰:念亦有因,是从领受生故。

#### 卯三、明解脱道

于四谛增益,坚、乐、我、我所,此等十六相,非真而爱着。 于彼相违义,真性相了达,善修之正见,能破爱随行。

若尔,何为解脱道耶?曰:有于四谛性显倒执着,其于彼相违义—十六真实行相随顺通达,极善修 习之正见,是解脱道。以彼能破贪爱及随行故。以于四谛,增益坚固、安乐,及我、我所等十六种非真 实行相周遍爱着,是三有之根本故。

寅四、破尼犍子派之解脱道 分四: 卯一、破由有业身故流转,二、破能断业身之对治,三、破由断果 故业永尽,四、以自许相违破。今初:

业身虽安住,三因缺一故,其生则非有,如无种无芽。

尼犍子派说:纵然断爱,若有业身,仍当流转。破曰:诸阿罗汉业与身虽仍安住,然不生于三有, 以缺爱一因故。以生三有,须三因故。如无种子则不生芽。

卯二、破能断业身之对治

非断业及身,无能对治故。无能故。有爱,仍能生起故。 为尽二勤,尽业劳无义。

外曰:断除业身,亦应解脱,以生三有须三因故。曰:非业与身能单独断,以无断彼之对治故。无 断彼之功能故。以若有爱,则业与身仍能生故。若谓业与爱二法,理应努力各别令尽。破曰:为单独尽 业,勤劳无义,以未断爱不能断业故。

# 卯三、破由断果故业永尽

见种种果故,比知业功能,有多种差异,故一苦恼事,不能使都尽。有行使彼生,果报有减少,非一切异类,所应受果报。若由苦行力,使功能合尽,为染分能断,应无染遍断。若苦行异染,或即是烦恼,彼即业果故,即此不能使,对能合办然 则此不能使,功能合杂等。

外曰: 前云「无能对治故」, 此因不成。以由苦行消尽宿业, 不更作新业, 能解脱故。破曰: 以某 种苦行,仅能使彼所生果有所减少,非能使一切异类业都尽,以一切苦行烦恼事,不能尽一切业故。以 比知诸业功能各异故,以见有可意不可意种种果故。若谓由苦行功能,使业功能合杂,若一尽时则一切都尽。破曰:试问苦行为离烦恼是余法?为即烦恼?若如初者,应由烦恼一分断一切业,或无烦恼断一切业,以一苦行能断一切业,彼非烦恼故。若如次者,则彼苦行应不能使业之功能合杂,以是恶业之果

卯四、以自许相违破

摧欲生过故,能灭诸过者,能害彼生业。已作如何失? 非从业起过,有患乃能作,已遮则不作。若无邪分别, 乐亦不起贪。

外问:由贪爱断,业亦断故,许业无对治则成相违。曰:其能灭诸过失之达无我慧,能害彼过所生 之业,以能摧坏欲生之我执因故。已作之果如何失坏? 应不失坏,已成就者不能断故。外曰:如从爱起 业,亦应从业起爱。答曰:诸阿罗汉不从生过失,已断爱故。从有患之业乃作过失,已遮止者则不作过失故。外曰:从业乐果应生贪爱。答曰:诸阿罗汉从乐亦应不生贪爱,以无邪分别故。

#### 壬二、善逝

由救成证知: 真、固、无余别。善逝证义故, 较外道、有学、 无学增上故。

世尊成就证知真实、坚固及无余之差别,以是究竟救护故。此处说善逝为证知者,有所为义,是为 由救护果,比知智德圆满故。世尊较诸外道及有学无学声闻,皆为增上,以是具足三种差别之善逝故。 辛二、因圆满 分二: 壬一、加行圆满, 二、意乐圆满。今初:

为利他勤修,智加行大师。

问: 彼善逝从何因生? 曰: 世尊是为利他, 勤修智加行之大师为先, 以具足智德圆满故。

# 壬二、意乐圆满

由彼须悲心,义成为利他,不舍所作故。

世尊以大悲为先,以为利他勤修智加行故。又成立世尊为定量士夫,须成立以悲愍为先,以自义虽 已成办,然由悲心增上,为利他而不舍说法所作故。

## 庚二、结义

由悲故善说,由智而谛说,说彼并能立,成就其加行,故是定量性。

世尊是善说,以具足大悲心故。亦是谛说,以智德究竟故。世尊是定量士夫,以宣说智德及能立是 具足究竟加行之补特伽罗故。

# 戊三、以量称赞之所为

彼事赞大师,为即由彼教,成立为定量。不遮比量故, 说凡生性者,皆是坏灭法,见由多种相,显此加行故。 无不生相因,是比量所依,明所立遍因,亦显了说彼。

世尊有无量功德,为何以定量称赞? 以成定量之事而称赞大师者,有所为义,为显即由彼大师之教 而成立为量性故。世尊虽说现量,如何许比量耶? 曰: 世尊亦许比量,以不遮比量故。又说凡有生性 者,皆是灭法等,亦见以多种行相,宣说比量之加行故。以因性无则不生为相之因,是比量之所依故。 世尊亦显了说彼因法之关系,以正说所立法遍于因故。